

常德府志卷之八

學生彭憲勤

食貨志

物產

凡土地所有者皆曰土產吾郡恒常日用之物與他處等者十之五六其所少者珍奇貴重品耳矣欲悉識之似涉於同欲舍之則地之所有不可不書也於是變例以多寡別之庶乎無所悖矣舊志太畧及考他志亦止記其名目品類

常德府志

卷八

一

竊以天下萬物之理皆吾人進修之資於是考其源委色象及古人議論之善者詳註於下非特便於考究亦可以資多識為吾人進修之助云

本府

四縣同

穀之屬

多稻

爾雅曰稌稻說文謂稌稻為粳為粳字林云粳稻粘而粳稻不粘粳稻有六十日可獲者有百日可獲者大抵早稻皆占城國種也宋大中祥符中遣使由福建至占城取三萬斛并種法而

有粟 爾雅謂之稷顆粒比諸穀最細江東呼為窠禮
日明窠有黃粟白粟粘粟糯粟霧粟狗尾粟龍
爪粟黍子粟望水白粟又
有梗高數尺者為觀音粟
有麥 種有三曰大麥曰米麥
曰紫麥俱冬種春熟
有蕎 稗紅花白三稜而黑亦有紺苦二種甜
者八月種十月收苦者二月種四月收
有麻 即胡麻可榨油本草曰脂麻出胡地者為巨勝
其色有黃白紅黑之別

常德府志

卷八

二

有豆 菽總名大者有黃黑褐三色小者綠赤二色又
有豌豆蚕豆江豆龍爪羅裙帶刀豆黑白扁豆

蔬之屬

多芥 味辛辣俗名辣菜又名春不老有青紫二種
青者似菘面有毛紫者莖葉通紫作齏甚美

多莧 赤莧莖葉深赤白莧色青而大紫莧色紫花莧
間色又有野莧馬齒莧皆田野中自生凡莧性

冷食之宜和以蒜本草
謂莧與鱉同食生鱉瘕

多白菜 形如芥菜但
莖大而葉薄

多蘿蔔 本草名萊菔其根生叢之味辛醜而食之味
香又一種葉細似茴香根黃色味甘而香曰

胡蘿
蔔

多苦蕒

葉如菠薐差大詩薄言采芑即此菜也味苦能殺心火夏宜食本草云可傳蛇虫咬傷蠶

出近之則青爛故蠶婦亦忌食之

多筒蒿

三四月開花如黃菊而小多食薰人心令人氣滿

多菱蒿

生於湖岸土人采之火薰以點茶甚美

多蒿苳

種出倭國有毒百虫不敢近

多薺菜

臨春即生作羹甚美東坡云野人山居之採土人元宵采以和湯

多油菜

形色俱似白菜根微赤冬種春長遇日暖氣和盡抽嫩心開黃花折取中心為菜茹食之

甚美其旁心結子可榨油因名油菜

常德府志

卷八

三

多蒜

苗如葱針味辛而葷兵部李絳集云心痛不可忍取蒜用醱醋煮之取飽頓服不問久近無不愈者大而獨子者曰葫紫極宮石刻能散癰腫凡發背腫核等項初覺肉間有異即切大蒜如銅錢厚以艾灸之可瘥

多茄

有紫白二種一名落蘇又名崑崙瓜

多韭

說文云一種而久故謂之韭纂要云一剪一加糞一歲不過五剪養生訣云性煖號草鍾乳

多薤

似韭葉闊多白無實有二種白者補而美赤者苦而無味能治金瘡及風

多葱

有燕葱樓葱二種樓葱即龍角葱本草云淮楚間多種之凡葱皆殺魚肉毒根白而冷莖青而熟故發汗殺湯皆用白洗克錄云凡杖瘡及刀瘡砍截膜未斷取葱連根搗爛鍋中攤熱傳之

可愈

多芋

本草名土芝用以資食有水乾二種狀如蹲鴟朱晦菴詩沃野無荒年正得蹲鴟力謂此本草芋莖可愈蜂螫

多冬瓜

即白瓜也生苗蔓下大如斗而長皮厚有毛色青綠經霜則白如塗粉肘後方云發背欲死取冬瓜截去頭合瘡上瓜爛即截去更合之瓜未盡瘡已斂小矣即用膏藥養之

多絲瓜

蔓延以繩引援而生及老腹中有絲故名嫩可供茹枯則去其皮及子用以滌器似茄而小青白色

多菜瓜

一名稍瓜可醃以點茶

常德府志

卷八

四

多瓠

長者尺餘味甘夏熟大而圓者夏末始實秋中方熟經霜可取為器俗呼葫蘆是也

有胡荽

一名芫荽用以點茶一名鷺不食草味辛温一云微寒微有毒主消穀能食利五臟補筋骨然多食則令人多忘及發脹氣

有白花菜

花白色青其葉畧如野苧醃之香美可用且能久藏

有黃花菜

蔓生田中土人采以救荒

有蕨

爾雅謂蕨鱉可為菜茹其根磨之可作糕食以度饑

有芹

本草作靳一名水荑爾雅謂之楚葵莖葉白色謂之荻芹紫色謂之赤芹生在高田者宜食生在水中者不宜食聖惠方云三月八月勿食芹恐病蛟龍癩蓋有虫在葉下視之不見食之有

患

有菱

一名菱白
生於池中

間有蒼蓮

秋種冬茂葉微厚而光滑味甜可羹根燒
灰淋汁洗衣白如玉色本草云去頭風和

五臟又云
多食動風

間有波稜

葉有稜而光澤微似馬蘭一
云出西域頗陵國訛為波稜

間有董

味辛性溫通
神明去穢惡

果之屬

多桃

有數種曰甜桃曰烏桃曰扁桃曰瑞香桃酉陽
雜俎云洛陽華林園有冬桃十月始熟形如括

常德府志

卷八

五

萋食之解勞困因名西王母桃今本府亦

間有之本草謂桃味甘無毒多食亦發熱

多李

其品亦多有麥李苦李牛心李王家李蜜汁李
日華子云李溫無毒益氣多食令人虛熱又云

不可和
蜜食

多杏

花殷紅淡白實有大小味有酸
甘本草味酸不可多食傷筋骨

多梅

其品有二曰山梅實最繁而小曰品梅其花千
葉每一花三實又名雙梅凡梅味最酸多食損

齒傷腎以鹽殺之為白梅可飲水
其青者以糖和之作糖梅可點茶

多梨

有水梨糖梨麵梨早穀梨
半斤梨味俱不及北產

多柿

有狀如牛心者曰牛心柿有形圓而匾者曰寶
蓋柿有大如鷺子皮薄而味甘者名朱柿色青

黑而熟於冬者名凍裨搗其汁可製傘翦本草
註云火熏為烏柿性熱可以止嘔逆及滯下日
乾為白柿性冷又有黃柿可和米粉作糗與小
兒食之止痢以酥蜜煎柿乾食之主脾虛又云
飲酒食红柿令人心病至
死又云不可與蟹同食

多柑

孔安國疏小曰橘大口柚皆柑也蓋柑者橘柚
之總名所產有霜柑佛頭柑乳柑獅頭柑諸品
味甘寒利腸胃熱毒多食令人脾冷發痼癖又
實極小者名金橘大而皮厚黃白色者名橙又
一種名拋病腫人
取皮煎湯洗愈

多茨

生水澤中又名鷄頭實葉大如荷瓣而有刺花
下結實其形類鷄頭故名日中開花性甚煖故
又謂之
水硫黃

常德府志

卷八

六

多枇杷

一名盧橘葉如鱸耳四時不凋謝贍賦稟金
秋之青條抱青陽之和氣肇寒葩於結霜成
炎果乎纖露言徭四時之氣也諺云枇杷
黃果子荒以其熟正當果子缺之時也

多西瓜

形如毬皮青肉有紅白二色核亦有紅黑玳
瑁一色味甘寒大能止渴多食能滑人腸
有沙棗木棗樹高多刺核大而味不甚甜
陶隱居所謂南棗大惡殆不宜噉是也

有棗

木類檉花青黃色實有房外刺如蝟熟則瓣折
子出鄉雖多有之實小不克果品其大者問有
本草云熟食之擁氣生食之發氣宜於熱灰中
煨令汗出以殺木氣而食之佳小兒不可多食
能生虫
致病

有榴

味甜者名天漿堪充果品酸者入藥用本出
西域張騫為漢使得其種以歸為安石榴

有揚梅 木似荔枝葉細而陰厚實生初青熟則紅如鶴頂味酸如梅古詩云止渴還相似和羹諒

不

有木瓜 葉厚如桂味酸如梅本草云最療轉筋如轉筋時但呼其名及書木瓜字皆愈亦不可解

有菱 即菱實也埤雅曰楚謂之菱武陵記云四角一角曰菱兩角曰菱葉浮水上花黃白色書合宵

沆隨月轉移猶葵之隨日也
沆落而實生漸向水中乃熟

有藕 即蓮根也小而味不甚甘不及他郡所產

有葶薺 爾雅云芍見此多生於田或池塘苗如龍鬚

間有櫻桃 爾雅云櫻本草云崖蜜禮記云含桃以鸞鳥所食故名韓偓詩合充鳳食留三島誰

常德府志

卷八

七

許騫偷過五湖其色深紅故又名朱櫻

間有胡桃 樹高外剛內柔博物志本出西域今斬生東土

間有郁李 本草云一名爵李一名車下李一名棣樹高五六尺葉花似大李而小五月始熟味甘酸根涼采之治小兒熱

發作湯浴風神牙煎含之

間有蒲萄 藤生一名馬乳色紫本出西域今郡中所有實小而味不佳

間有銀杏 一名鴨脚子有雌雄雌不結實雄者三十年方開花結實歐公詩始摘纔三四金奩

獻凝梳歲久子漸多纍纍枝上留

間有林禽 一名來禽以味甘來衆禽也一名花紅本地所有實小而味遊非若北產

花之屬

多桃花

李花

杏花

梨花

多梅花

疎影暗香有臘梅紅梅綠萼梅照水梅數種
又一種花瓣甚多如粉團名千葉梅亦結實

不多得

多榴花

有千葉榴無實花最茂有
海榴花尤艷單葉者實

多蓮花

俗名荷花有紅白二色及千葉者其實為蒨
爾雅云芙渠又名水芝其根即藕花白者甘

脆

多萱草

俗呼鹿葱一名忘憂一名宜男姪婦佩之必
生男也夏開者莖高而葉大秋開者莖短而

常德府志

卷八

八

葉小亦有紅黃色而百葉者
者又有花鵝黃而香者

多梔子

一名簷蔔花六出有千葉者有單葉者山谷
云梔子有一種八出者一株可香一園佛書

如入簷蔔林中惟與簷蔔不聞餘香一名玉樓
春以其花孟夏始開故又名欲留春入藥用結

實者其實七稜亦名越桃

多薔薇

藤身青莖多刺花有紅紫粉三色三月始開
爛如錦幃杜牧詩石家錦幃依然在閑倚東

風夜不收

多芙蓉

一名拒霜八九月開故名有紅白二色有單
瓣者有重瓣者朝開色白至午後漸紅者名

醉芙蓉

蓉

多雞冠

紫白二種春種秋開莖高三五尺葉如莧而尖其花扁而舒長狀類雞冠又有一種矮者

高僅五六寸其子細黑藏於花中

多金鳳

花如飛鳳一名鳳仙花有紅白紫粉紅數種搗其花葉染指甲成深紅色經旬不退其子

作房生微觸即罅裂俗呼急性子研爛用滾湯調服可治產難

多木犀

一名巖桂有丹黃白三色其香最清香淡者色勝四時開者名月桂或取茶拌桂花合而

烘之茶變桂香甚佳蓋茶冷桂熱非惟借香而性亦相濟

多菊

爾雅云治穡本草云節華其品不一本地所有者相袍紅鶴頂紅醉楊妃紫檀香白鷺毛大金錢小金錢之類陶隱居云菊花莖紫氣香而味甘華可作羹食者為真其青莖而大作蒿艾氣

常德府志

卷八

味舌不堪食者名苦蕒其葉正相類須以甘苦別之肘後方治丁腫垂死用菊葉一握搗絞汁

一升入口即活神驗冬用其根

多木槿

一名日及花有紅白紫三色又一種花莖白如玉中心無紫色者名舜華朝榮夕悴施肩

吾詩云但看日及花惟是朝可伶其葉可搗以沐髮去頭垢花可烹以為蔬味甚美

多夜合

一名合昏一名合歡陳后山所謂探囊一試黃昏湯即是花也

多百合

根類胡蒜花色淺黃上有黑點如灑墨然本草云摩羅一名中逢多生川谷

有蘭

黃山谷云一幹一花而香有餘者蘭一幹七八花而香不足者蕙本地所植有黃白二種傳曰德芬芳者佩蘭楚辭云纫秋蘭兮為佩是也今之所謂蘭葉既無香花雖香亦不過經夕而止

果可佩乎古有蘭省蓋以蘭藏之室中辟蠹故
名今之所謂蘭果可以辟蠹乎草木疏曰蘭為
王者香草其莖葉似澤蘭廣而長節節中赤高
四五尺今之所謂蘭其形狀果類是乎吳草廬
嘗著蘭畹說

有葵

爾雅云菑戎一名戎葵蓋戎蜀所自出故名葵
自根而抄能自衛足花有紅白紫三色淡紅色
花小者名錦葵葉尖狹多缺裂花淺黃心內有
紫檀色名黃蜀葵本草治臨產催生以黃蜀葵
子焙乾為末并花水下三錢匕如無
可以根細切煎汁令濃滑待冷服

有芍藥

花二種有草芍藥有木芍藥唐人以木芍藥
為牡丹本草謂木芍藥花大而色深俗呼為
牡丹非也有紅白紫數種亦有單葉千葉之別
百花之中其名最古本草云生川谷者其根可

藥

有碧桃

樹矮無實有紅粉紅白三色又
一種花上多出紅絲名金絲桃

有繡毬

樹高三四尺蓓蕾相聚
如毬一開純白如銀

有海棠

花如紫綿有垂絲朱砂二種先花後葉色
最艷麗王禹偁作花譜以海棠為花仙

有水仙

葉如蒜故一名雅蒜一莖數花花白中有黃
山谷詩得水能仙天與奇寒香寂寞動冰肌

表花
名也

有酴醾

蔓生有刺承之以架花白而香春暮最盛又
有檀心而紫色者尤香格物論謂本作酴醾

因洛京進酴醾酒其
色相似故加酉云

有辛夷

一名木筆本高數尺葉似柿而長初出如筆
故名花紫苞紅腦白樂天詩紫粉筆含尖火

焰紅臘脂
染小蓮花

有玉簪

一名白鶴素質而秋華有香狀類玉簪其根
可治骨鯁古詩云晏罷瑤池阿母家飛瓊扶

上紫金車玉簪墮地無人識
化作東南第一花

有紫荆

木似林禽花紫艷可愛
田氏分荆即此

有瑞香

花如丁香一名錦薰籠有紫黃二色張祠
部以瑞為睡故詩云曾向廬山睡裏聞

有山丹

其花深紅色四月開至八月尚爛熳亦
有粉紅者東坡所謂錯落瑪瑙盤是也

有木香

蔓生有刺與醉醱相似花小
而繁色白而香黃色者不香

常德府志

卷八

十一

有剪金

花如金葺全類剪
刻又有剪紅羅

有滴滴金

葉露滴地而生秋開花黃如金
色陶弼詩九秋珠露滴成金

有石竹

叢生高尺餘花如纈錦一名錦竹又名
天南竹李太白有石竹繡羅方之句

有扁竹

春生苗高二三尺華似鹿葱葉中抽莖
似萱草秋高黃花其根名射十八藥

間有牡丹

一名鼠姑一名鹿韭本大者高四尺葉綠
大如掌開花大如碗有單葉千葉及紅紫

白數種郡人雖競植之然不能如北方及雲
南之盛又一種藤生名纏枝牡丹花亦可愛

間有山茶

葉圓而厚其末微尖花深紅色有寶珠單
葉二種冬春之交盛開然惟滇南者最勝

其大如碗而色尤艷東坡詩葉厚
有稜犀甲健花深少態鶴頭丹

間有茉莉 叢生夏開白色重瓣清麗而芳佛經謂之
末麗又一種花似素馨香差薄此花粵南
最盛吾郡有植之者然性
畏寒收藏不密鮮不槁矣

草之屬

多浮萍

舊傳桃花入水經宿成又云楊花所化埤雅
云無根而浮常與水平故曰萍江東人謂之
輒言無定性漂流無根而已治遍身忽瘡取萍
煮汁漬浴半日多效發背擣萍和雞子清貼
之良又五月採取浮萍
陰乾燒烟可去蚊子

多艾

攻百病以
斬州者勝

多蘆

生江
岸

多藍

有木藍水藍萬藍
數種用以取靛

多蘋

比蓼大
花白

多蓼

生淺水澤中名水蓼造酒者取以和麴作麴一
種似水蓼而葉大赤白色有毛有節如牛膝狀
秋開花作穗本草謂之葦草又名
水紅花詩所謂隰有游龍是也

多蒲

其葉似韭可去燈煙郡人多
以炭植之置於夜間讀書處

有芭蕉

葉碧而脆茂密
如林宜雨懼霜

有谷精

一名戴星草以花白
而小圓似星可飼馬

有馬鞭

圖經云生濕地花紫色抽三四
穗日華子云似益母而莖圓

有虎耳

生石上其
形似之

有鳳尾

生墻垣間其形似
之俗呼竹葉菜

間有通草 一名附枝 一名丁翁生

間有三脊茅 書云包匭菁茅春秋齊桓公責楚包茅不入無以縮酒宋大中祥符元年遣使

詣岳州沅江采三脊茅三十束有老人黃皓識之補州學助教賜以粟帛

藥之屬

多前胡 苗似蒿初出時有白芽長三四十寸味甚香美又似芸蒿花白與蔥花相似根細青紫色二月八日采日乾味苦微寒

大能下痰醫家多用之

多桔梗 葉似杏而花紫氣微温味辛苦能載諸藥不下沉治肺經必用之

多黃連 叢生一莖三葉高尺許葉以菊至冬不凋性寒治痢抱朴子云乳汁煎之治目病本草云

常德府志

卷八

十三

澧州者勝以上三味皆本地品之佳者

多車前子 大葉長穗好生道旁俗呼為蝦蟆草即詩所云采采芣苢是也本草味甘酸寒無毒

強陰益精令人有子治泄瀉

多何首烏 一名野苒一名交藤蔓生葉如苗香葉生必相對有雌雄二種雄者苗葉黃色其根

赤雌者苗葉赤黃色其根白味苦澁微温無毒因何姓人服之首烏故名出桃川宮者勝

多金銀花 一名忍冬花有黃白色故名俗又謂之風藤

多菖蒲 一名昌歎一名堯韭葉如劍多生湖澤間嫩者可鮮食詩所謂維箬及蒲是也生石上者

一寸九節入藥性温寧心平胃

多粉葛

即葛根土人掘之以濟荒歉性寒壓丹石解鳩毒發肌表

多益母草

一名野天麻本草作芫蔚生田野園圃間方莖開白花花生節間能治產難故名益

母

多澤蘭

葉似菊而尖長其香如蘭味苦性微溫一名龍棗一名虎蒲

多麥門冬

叢生冬夏色碧根生連珠形似橫麥顆故名性涼清心去熱

多括樓

詩云果蠃之實爾雅云天瓜本草云地接蔓生花淡黃色實在花下根謂之天花粉性涼

解毒化疾

多香蒿

一名香葉似白蘇而葉細生山谷石上者佳大曰茵陳小曰香蒿性微溫能祛暑

常德府志

卷八

十四

多荆芥

莖高一二尺開花成穗一名假蘇以香氣似蘇味辛性溫能解熱去風

多紫蘇

其種有二一葉圓一葉尖紫色者甚香入藥夏采莖葉冬采實

多蒼耳

詩云卷耳性溫去毒

有香附

即莎草根也本地所出頗小不甚堪用間有大者能下氣開鬱又婦人要藥

有半夏

獨莖莖端出三葉淺綠色頗似竹葉而光根下相連有毒性溫利馬化痰

有天南星

苗似荷梗高一二尺葉似葇蕀兩枝相抱花似蛇頭黃色結實成穗似石榴子根似

芋而圓有毒性暖去痰定氣

有蓖麻

根赤有節高丈許秋生細花結實殼上有刺實類巴豆可榨油塗磨疥

有薄荷

葉稍圓而尖經冬不枯惟似金錢者勝
夏秋采莖葉日乾性涼能解熱去風

有鷲粟

本草云鷲子粟葉大花紅結
房其子主反胃其房止泄

有茴香

叢生頗類胡蘿蔔葉細莖粗高三四尺花頭
如傘蓋黃色結實似菱而小性溫能下氣止

小腸痛

有黃精

根葉大槩似姜博物志太陽之草名蕙精食
之令人長生太陰之草名勾吻不可食入口

立死圖經云勾吻葉尖而根
細采時宜審出桃川宮者佳

間有牽牛

蔓生籬落間葉有三尖花微紅帶碧色實
作毬內有黑子三稜如蕎麥狀有毒下氣

破積又有白
子者不入藥

常德府志

卷八

十五

間有川芎

節大莖細葉香一名麻
蕪本地出者只可供茶

間有旋覆

葉如水蘇
黃花如菊

間有黃栢

其皮
入藥

間有決明子

苗高三四尺葉如首着而大花黃白
色秋深結角其子在角中能明目

間有連翹

本草有大小二種本地生者葉狹而小莖
短纒高一二尺花黃實作房黃黑色內含

黑子如栗性
涼解諸毒症

間有續隨子

一名千金子殼肉有白仁
有毒除痰飲下惡滯物

間有金櫻子

結紅子小而
圓煉之止泄

間有茱萸

葉似椿而潤厚實似椒子性温行氣嫩時微黃熟則深紫桃源山中多產之

木之屬

多松

樹極高大其皮皴皴如鱗其葉每三鬣或五鬣共一簇其花上黃粉名松黃以蜜和為餅可食其節為松明其脂為白膠皮上絲蘇名艾納香俗呼老龍鱗九月九日采製湯火藥甚效合香燒之其烟不散史記云松栢百木之木也松木用之水中及不見水處可千年不壞半乾濕之地易壞

多栢

諸木中性最堅而澤有花栢叢栢又有側栢其葉側而扁有檜栢則葉如栢而松身樊宗師園記謂栢為蒼官其子香而可藥其仁可入藥

常德府志

卷八

十六

多楓

葉似白楊而歧有三尖經霜盡赤其脂亦香說文云楓木厚葉弱枝善搖一名攝攝爾雅云楓攝攝蓋攝攝楓之别名也郡人搗其皮為末香

多槐

葉細枝脆綠陰最濃又一種晝合夜開名守宮槐博物志云槐初生曰鬼目花黃可染物色實名槐角可藥

多臘樹

其葉常青四時不改江浙所謂冬青樹末宮中呼為萬年枝即此四月綴垂種於枝上至秋結蠟萸鎔去滓即成白蠟故又名蠟樹

多柳

葉狹長而青枝幹柔軟易生之木與楊同類縱橫顛倒植之皆生本草云柳花枝藥并子皆入藥用說者謂花即初發黃藥也子乃飛絮也

多揚 葉圓闊而赤枝最韌多生水岸今人以柳為揚

非也說文云揚蒲柳也即小楊也枝條短硬與柳枝柔軟不同

多栗樹 實名栗橡郡人磨腐以救荒其殼可染色

多烏臼 葉似梨而小可染皂花黃子白色可榨油為燭

多苦練 花小而枝脆木可鑿器用實名練子味苦寒入藥

有楮 種類頗多有結實可食者其紅心楮堪作棟宇山海經云作屋柱難腐

有椿 樹極高有二種葉香者名香椿郡人採芽點茶臭者名臭椿即樗也

有楮 詩謂之穀皮可造紙最易生陸機云樹皮斑者為楮白者為穀

常德府志

卷八

十七

有桑柘 人家所植者謂之桑山中所生者謂之柘皆可飼蚕然桑枝條柔而葉光澤柘枝條瘠而

葉粗厚

有柞 木堅韌可為弓稍弩幹車具

有樟 一名豫樟木高大葉似栲而尖長氣極辛烈其汁為腦以火燃之置水中不熄結子可榨油

有棕 一名椶櫚毛性堅韌可取以絞索作雨衣子嫩未吐者可采充茹

有黃楊 葉綠色冬夏不凋木理堅而潤澤長者可鑿器以及為梳每歲長一寸遇閏年則縮一

寸東坡所謂厄閏

有皂莢 生莢如刀豆為皂莢圓者為肥皂皆能去油垢燒灰可洗衣

有栝栝葉松身

有梓似桐葉小花紫堅韌光澤取以為材最美

間有楠一作枹春生白花成簇秋結細實其材美可為棟宇

間有杉木類松而勁古葉附枝生若刺針可為材

間有桐爾雅曰櫨一名梧葉圓末尖二月開淡紅花結子可榨油曰油桐其葉三叉結子如胡椒

可食曰梧桐本地尤少

間有檀花黃葉似槐而性堅質重可以為弩

間有榆葉拋錢花作雪是謂之榆然本地所產者剛脆色理亦不同土人槩以臘樹呼為榆樹誤

矣蓋本北方所產故有榆莢榆錢榆皮皆可食

竹之屬

多白最易生人采以為蓆

多實中心不虛多筍

多苦節長可以為筍有異音

多水性軟可造篋為器

多筍節平色蒼白其性堅硬可破篋籜桶墊漚可療風疾

有楠竹長三四丈大徑尺餘可以覆屋可為兵器冬掘其胎謂之冬筍他處呼為猫竹

有紫小而勁直可為傘柄其筍尤美

有叢叢生滿百四時生筍又謂之孟宗竹

有鳳尾葉細而多形似鳳尾

有瀟湘細葉可為清玩

間有斑節間有斑點相傳
種自君山淡痕
間有方短小形方節有
小刺可為杖

間有金
色如金其抽枝處仍碧
所謂黃金間碧玉也

間有篠
箭竹篠之材中於矢之筈書曰篠
篠既教葉長且大土人用以裹粽

鱗之屬

多鯉
陶隱居云魚王唐人謂之赤鯉公其當脇下從
頭至尾無大小並三十六鱗鱗有黑點諸魚中

此為最佳又能變化飛去養魚
者置鬘數頭於池中乃不能去

多鯖
圖經云似鯉而背正青色頭中枕蒸令氣通暴
乾狀如琥珀荆楚取此魚枕煮拍作器皿甚佳

多白
版身肉美少陵詩
云白魚切如玉

常德府志

卷八

十九

多鰕
巨口細鱗頭大身促背有黑點此
魚能食諸魚其肉堅而脆味亦美

多鮠
首尖身長單
腮者有毒

多鮠
其形似鯉青黑色土人畜
於池飼以草又名草鮠

多鯁
小口細鱗身扁而色白其種與
鮠俱出九江鯁則不用草飼

多鱮
狀如鯁而頭差大鱮從庸者其性
庸弱而不健其味庸常不及鯁

多鱧
本草作鱧俗呼為黑魚其首有星鱧細有黑花
紋一名朝斗道家以為厭者陶隱居云鱧蛇所

化今按鱧生
子最多有種

多魚
本草曰鱧大首方口無鱗而多涎食療方
云鮠有毒勿多食赤目赤鬚者並殺人

多魚

似鮎而小腮邊有刺能螫人其聲缺魚然俗呼黃魚本草云黃頰魚最能醒酒

多鱖

山海經所謂才魚是也

多鱖

形扁口銳項縮味甚肥美即鱖魚也

多鯽

一名鮒形似鯉而小色稍黑體促而腹大脊隆無大小皆有子本草云旅行吹沫如星以相即

也謂之鯽以相鮒也謂之鮒不食釣諸魚惟鯽最可食

多鯽

亦作鱖埤雅云似鱖而短無鱗以涎自染難握又呼黃鱖

多鱖

形似鰻而細長亦似蛇漢書鶴雀啣三鱖至鱖即鱖或作鱖風土記云鱖穴處夏出冬蟄

有鮓

骨纖且多肉臍而味甚腴夏間出大者不過四五斤龍陽以下皆無自九江以至南京則多而

且大梅聖俞詩四月鱖魚連浪花

常德府志

卷八

二十

有花

一名鬪魚似鮓而短身有花文紅綠相間尾鮮紅有黃點善鬪他處畜之盆以資閑玩郡人則

以五月初出多寡以驗水之消泛

有鰕

有數種田澤中生者最小

間有

魚生江中無鱗骨東坡詩粉紅石首仍無骨雪白河豚不藥人寄語天公與河伯何妨乞與

水晶鱗

間有

鰻似鱖而頭大色青黃腹下白無鱗長三四尺本草謂之鰻鱧一云鮎亦產鰻蓋共乳子三

分之二為鮎一為鰻也有雄有雌以影漫於鱧其子附鱧之鬚鬣而生故謂之鰻鱧性最補殺

諸虫以骨燒烟熏壁虱即絕

間有金 狀似鯉而小金紅色有二種大者為金鯉有重數斤者小者為金鯽大不過二三指許

介之屬

多鱉 俗呼團魚段成式云甲虫以影伏羽虫以體伏今鱉伏於淵而卵剖於陵此思化也世云鱉之所在其上必有浮沫謂之鱉津捕者以此占之又云鱉之老者以蚊負之易熟

多龜 按碑雅龜舊也外骨內肉腸屬於首廣肩無椎與蛇相傳爾雅云甲虫三百六十而龜為之長

史記云龜千歲巢於蓮葉之上

有蚌 一作蚌大曰蛤小曰蜆又一種曰長刀長三四寸濶五六分頭小銳生池澤中

有螺 其類不一田螺短而大江螺小而長殼堅性涼能解暑毒

常德府志 卷八 三

虫之屬

多蜂 一種蜜蜂色黃而短小山崖及大樹空腹中作房採取百花釀蜜埋雅云蜂有兩衙應衛其王

所居壘積如臺隨其所在而衆蜂為之旋遶如衛有君臣之義若無王則死矣一種純黃而長

其窠仰綴于屋及林藪間啣漆固其蒂俱能螫人北者尾末二尖杜者一尖尤銳

多蝶 有黃白二種粉翅有鬚一名蛺蝶一名蝴蝶雅云嘗見園蔬其葉有為蝶者三分二已蝶矣

其一尚葉也陸龜蒙又謂橘蠹化蝶

多蜻蜓 六足四翼其翼輕薄如蟬朝飲露晝取蚊虫食之遇雨即多好集水上款飛俗傳五月五日取其首正中門埋之成青珠

多蚯蚓 土精無心之虫老則白

多螢 月令腐草為螢夜飛腹下或尾下有光古今註云螢食蚊蚋

多蛙 古蠹字一名蝦蟆皮青綠有點酉陽雜俎蝦蟆聲抱今俗聞其春鳴謂之聒子即所謂聲抱也

多蜘蛛 爾雅作蠶龜結網有在土在草之異陶隱居謂入藥常用懸網狀如魚罾者又一種小而

多蟻 長脚者名喜蛛上人冠服及飛絲着人相傳以為有喜又一種身扁薄作繭貼壁上名壁錢

多蝙蝠 一名伏翼似鼠而小有肉翅晝伏夜飛其色類燕故一名夜燕本草註生在山孔中食諸

多蟬 詩五月鳴蜩本生土中夏至則登木而蛻秋鳴者為蟬其色或青或褐或短或長其聲或鳴咽或清亮皆寒蟬之類也

多蠅 其類有三青蠅首赤背若負金有大者曰麻蠅最小者曰蒼蠅性好交其前是有絞繩之狀故字從繩蠆尤能汚物故詩人以刺讒歐公比小人

有蜥蜴 似蛇而四足尾青碧以五色備者為雄不備者為雌生草澤中一名蛇師一名石龍子又

一種善結籬壁間形小而黑名蠃蟬又名守宮

有蝥斯 蝥屬長而青長角長股一生九十九子能以股相切作聲

有螟蛉 桑樹上小虫也詩曰螟蛉有子果蠃負之

有螳螂 青色頭似蜻蜓其臂如鋸奮之當輒不避爾雅正義云螳螂深秋乳于夏初乃生一生百子

有蜈蚣 頭有珠大小長短不一人家屋上壁間往往有之喜食雞肉時聞雞肉氣即自上投下就

之故雞肉隔宿須乃可食

有蛇 按埤雅蛇蟠常向玉地玉比方也又曰蛇以眼聽其類甚多土人所識者曰花蛇曰青蛇曰烏

常德郡志

卷八

二十三

梢曰水蛇皆有毒小蛇生水中尤甚烏梢謂醪酒可已大風凡中蛇毒用細辛雄黃等分為末內瘡中日三四易之愈

有蝸牛 背負殼狀如小螺驚則縮入殼中頭有小角故名其涎書壁上畫悉成銀跡

鳥之屬

多雞 易巽為風為雞雞鳴于五更者日將至巽位感動其氣而鳴也雄者有冠有距毛羽爛斑雌者

闔然無章古三牲雞居其一今為常品

多鷺 一名舒雁埤雅云鷺伏隨日說者以為乳鷺伏郊隨日光所轉東坡云鷺能警盜亦能卻蛇

多鴨 家畜曰鴨野鴨曰鳧家鴨曰鶩或曰雞可絲故謂之雞鴨可狎故謂之鴨雞鶩伏郊忌聞鶩磨

聲聞之則不生矣今雄雞能鳴其雌不能

多鷓 鷓一名鷓鴣與雀俱性淫凡鳥皆雄乘雌二

多雀 即麻雀常依人屋宇簷隙間壘巢

多鴈 形似鷺大曰鴻小曰鴈知陰陽之升降按少長

則即北寒則向南以就和氣故為禮幣者一取其信一取其和

多鳧 水鳥似家鴨而小色青尾長卑脚短喙背上有文

多鳩 有數種其身灰色項有繡衣名斑鳩天將雨則

雄喚雌其聲嗚嗚有扶同斑鳩而無繡衣名鷓鳩陰則逐其雌晴則喚之皆性拙寄巢生子

多鵲 淮南子云鵲結巢知太歲所在其歲多風則巢

于下枝禽經云鵲俯鳴則陰仰鳴則晴人聞其聲則喜故名埤雅云鵲知人喜皆傳枝受卵故一名乾鵲

多鴉 純黑而反哺者名慈烏身烏而頸白者名夕烏

亦名鴛鴦詩弁被鴛鴦又一種似鳥而小群飛作啞啞聲名慈鴉今謂之寒鴉

多鷹 鷲鳥也一名爽鳩蒼黑色頂有毛角微起七月

則取禽以祭藥性論云鷹頭燒灰和米飲服之治五痔

多雉 易曰雉為雉書曰華蟲漢避呂后諱改雉為野

而墮

多百舌 其聲婉婉便捷燕眾鳥音

多鶯 詩云倉庚疏云黃鶯又名黃鸝黃公東坡云苦厭黃公聒晝眠

多燕 詩云玄鳥記云乙鳥陶隱居云胞紫身小為越燕胸斑黑而聲大者為胡燕舊傳雀爭燕巢啣艾置巢中燕不復顧也

多鷺鷥 一名屬玉爾雅鷺鷥春鋤脚青高尺餘尾如鷹尾喙長三寸頭上有毛數十毳毳然長于眾

毛取魚時則珥之又大白鷺小曰鷺性惡露今人畜之極馴每至白露降日則飛揚而去故俗呼白

有鶚 即鶚鶚杜工部賦云降精于金骨立如鐵目通于腦筋入于節風勁則高飛戾天

露呼白

有鷓 狀如鷹尾稍短善擊鳧鴈其種不一鷓而大者俗謂之木鷓鼻根黃如蠟色俗謂之蠟鼻又一

種名鷓每於盛寒之月向鳥雀攫之以煖其爪次早則縱其飛去伺其所之如雀東飛則此日

不復東是知鷓鷥鳥亦有仁心存焉

有鷓 似雉色白長尾背有細黑文可愛兩頰紅首有冠綬其翠如藍脚高數寸有距亦紅色雌者闇

然無章以性閑雅故名

有鴝 似鴝而小穴居金眼純黑有憤剪其舌可學語俗名八哥兒又有白色者則差小

有鷓 此鳥無常居而有常匹淳蠢不越橫草性善鬪本草云四月以前不可食鰕蟻所變又曰

鼠變冠宗奭則謂鷓有雌雄從外生何言化也其品中膳羞治小兒患疳及滯下

有鴛鴦

鳥類匹鳥有思者也雌雄未嘗相離人得其

有山鷓

一名山鷓尾長色碧嘴距皆紅

有杜鵑

一名陽雀一名子規夜鳴達旦血漬草木始

至今寄巢生子百鳥為

有畫眉

似鶯而差小色褐眉白善鳴好鬪梅

有蠟嘴

似雀而大其喙如鷄色黃故名

有叫天

善鳴鳴愈疾飛愈高

有啄木

爾雅云鷓雉褐而雌斑啄長數寸常啄木索

既去以啄亂啄其畫處人有逐其

有鴉

一名梟周禮註云惡鳴之鳥

有白頭翁

似雀而大以頭有白點故名

有鵲

一名鵲渠水鳥也青灰色腹下白頭上黑飛

興

有紅鶴

類鶯而喙長色紅淺白腋

有鷓鴣

其喙甚長大油可藥能入

有竹雞

俗呼泥滑滑以其聲似之或

有稻雞飛鳴宿食皆于禾間

有布穀似鷓尾長北牡飛鳴以翼相拂一名戴勝春暮鳴曰割麥插禾俗呼催耕鳥

間有鬼車遇陰晦則飛鳴或云鬼車十首一為犬所斷人聞其聲則擊犬使鳴以厭之

間有青翠其羽可剪為花

獸之屬

多牛易坤為牛陰物也故其性緩而和其蹄折卧先前足起後足病則立喜順風耳無竅聰以鼻其齒有下無上其尾肉而末毛其食齧既食復出而嚼之也有二種黃牛角縮而短悍水牛豐碩而重

多馬易乾為馬陽物也故其性健快其蹄圓其尾毛而散垂卧先後足起前足病則卧喜逆風又有似馬而小曰驢驢與馬相牝牡而生曰騾騾比馬力健性耐

常德府志

卷八

二十七

多羊曲禮曰柔毛其首角其蹄枝其齒有下無上其尾秃其食齧歲兩次生息有白黑二種一呼為羴為豕為豨其喙長其足枝其尾善搖其性喜負塗曳泥爾雅注猪牡曰豮牝曰豮其子曰豚高

多狗易艮為狗其耳垂或豎其尾卷或垂其牙相制其足踏蹠後有懸爪曰犬其性善守遇非其主則嗥近則嚙江浙烹以為上品郡人多不食

多猪禮八蜡迎猫為其食田鼠也酉陽雜俎云猫名烏圓其目睛旦暮皆圓及午即泛斂如線其鼻

多猫禮八蜡迎猫為其食田鼠也酉陽雜俎云猫名烏圓其目睛旦暮皆圓及午即泛斂如線其鼻

多狗易艮為狗其耳垂或豎其尾卷或垂其牙相制其足踏蹠後有懸爪曰犬其性善守遇非其主則嗥近則嚙江浙烹以為上品郡人多不食

多猪禮八蜡迎猫為其食田鼠也酉陽雜俎云猫名烏圓其目睛旦暮皆圓及午即泛斂如線其鼻

多猫禮八蜡迎猫為其食田鼠也酉陽雜俎云猫名烏圓其目睛旦暮皆圓及午即泛斂如線其鼻

端常冷惟夏至一日煖
蓋陰類也故其應如此

有虎

山獸虎為之君遊山莽間其風颯然以從故曰
風從虎蓋風木也虎金也木受金制也埤雅云
虎奮衝破食物值耳則止蓋淮楚之間謂虎為
李耳以觸其諱故也俗云食犬則醉今虎所在
虎必鳴以告

有鹿

瘦身高脚長頸秃尾色黃有白點埤雅云鹿性
警防分背而食食則相呼群居則環其角外向
以防物之害已也

有麋

爾雅謂之麋崔豹古今
注麋有牙而不能噬
麋類其皮可為
履舄勝於他皮

有兔

兔生缺唇前兩足短後兩足長其行必跳埤雅
云口有缺吐而生子故謂之兔舊說兔者明月
之精視月為孕故曰明視又按陶氏書云兔舐
雄毫而孕五月而吐子其尾下糞竅一歲生一
竅蓋嫩者竅少
老者竅多也

有猴

俗呼胡狒詩謂之猱性躁而多智埤雅
云內臟無脾惟以跳躑啾號而消食

有狸

形類猫善盜人家雞鴨食之其脊
間有黑理一道如界故名曰狸

有獺

水居青黑色身如伏翼善食魚孟春取魚于水
裔四方陳之進而弗食故謂之祭魚本草魚骨
鯁不可出者取其足於項
下爬之即愈又煮汁服

間有野猪

一名封豕狀似家猪但腹小脚長毛褐色
牙利如鎌又有毫猪毛黑如錐鬃有刺怒

則奮以射人其刺可以為簪

間有狼大如狗色青諸竅皆沸埤推云狼時逐逐食必先倒立以下所向起卧遊戲多藉草而草

皆殺亂故曰狼籍

間有熊形類犬豕而性輕健好攀緣上樹見人則自投而下背上有脂曰熊白夏月則無其膽入

藥明目

貨之屬

多綿花一名木綿樹高三四尺春種秋收其花結蒲蒲中有茸細如鷲毳茸中有核大如豆用輪

車絞出之乃彈以弓為絮充衣被紡績之用按木綿漢唐以前中國未有其製為衣者絲麻葛

常德府志

卷八

二十九

褐四者而已禹貢島夷卉服註云南夷木綿之精好者謂之吉貝蓋當時惟達夷充貢中國實未嘗種之宋元之世始傳其種以徧布于四方乃獲其利云

多炭有黑白二色俱桃源出

多乾魚鹽魚日乾貨于四方頗以為珍各縣俱出而沅江尤多

有茶高鄉有之二月採沅江亦多有酒有白酒黃酒燒酒

有油芝麻所壓者入食品茅子者燃燈用有澱藍草長二三尺漬為澱可染然不及閩產

有麻一種苧麻植于高地一科數十莖宿根臨春自發一歲三收績為紗可以為線桃源多績以織

布一種云葛麻

有布 有綿布葛布綿布極麗價十銖不及江南梭布之一浴儉且蓄故宜之葛布亦麗聊以拭汗耳

有石灰 地窖中以火煨石遠成桃源出

間有金 舊志云出金今無然潁江入於洵沙中得之不過絲粟耳

間有蜜 絳所釀於山谷中有之

間有石碌 舊志挑源出今罕見